



Nefndasvið Alþingis
Austurstræti 8-10
150 Reykjavík

Reykjavík, 4. nóvember 2010
Tilvísun: 201010-0027

Efni: Tillaga til þingsályktunar um stefnumótandi byggðaáætlun fyrir árin 2010-2013, 42. mál.

Alþýðusambandi Íslands hefur borist til umsagnar tillaga til þingsályktunar um stefnumótandi byggðaáætlun fyrir árin 2010-2013, 42. mál.

Samkvæmt tillögunni er markmið byggðaáætlunar 2010-13 „að bæta skilyrði til búsetu, nýsköpunar og sjálfbærrar þróunar í öllum landshlutum og efla menntun, menningu, samfélög og samkeppnishæfni byggða og bæja landsins ...“. Til þess að ná markmiðum áætlunarinnar er lagt til að gripið verði til um þrjátíu aðgerða er falla undir átta lykilsvið.

Það er skoðun ASÍ að uppbygging grunnstoða atvinnulífsins eigi að taka mið af eðlilegum breytingum og samræmast þróun nútíma atvinnuhátta og sköpun starfa sem standa undir góðum lífsskjörum í landinu. Þessi skoðun felur í sér að styrkja beri stöðu landshlutakjarna, þ.e. þess kjarna innan landshluta sem hefur mest aðdráttarafl fyrir fólk, bestu möguleika til uppbyggingar atvinnulífs, skóla, menningarlífs og opinberrar þjónustu og sem er best sett til að þjónusta nærliggjandi héruð. Sumar aðgerðirnar í tillögunni að byggðaáætlun falla vel að þessari skoðun ASÍ. Þetta á einkum við aðgerðir eins og þær sem snúa að því að auka samkeppnishæfni landshluta, hlúa að klasasamstarfi og samræma stoðþjónustu.


ASÍ fagnar sérstaklega þeirri áherslu í tillögunni sem lögð er á sjálfbæra þróun, bætt aðgengi að menntun og útrýmingu kynbundins launamunar. Á sama tíma hvetur ASÍ til að þessar áherslur verði fléttaðar betur saman – t.d. í þeirri aðgerð byggðaáætlunarinnar sem ber heitið „bætt aðgengi að menntun“. Mikilvægi þessa er augljóst þegar horft er til þess að uppbygging atvinnulífs á sjálfbærum grunni og aðgerðir til að sporna við loftslagsbreytingum munu með margvíslegum hætti breyta forsendum atvinnu og búsetu á næstu árum.

Setja verður fram skýra áætlun sem miðar að því að aðstoða fólk að takast á við þessar breytingar með jákvæðum hætti. Aðlaga þarf menntakerfið að nýrri atvinnustefnu og gera með því ungu fólki mögulegt að taka öflugan þátt í uppbyggingunni sem framundan er. Um leið þarf að vinna markvisst að því að skapa tækifæri og hvata til menntunar og endurmenntunar fyrir fólk á vinnumarkaði þannig að það geti nýtt þau nýju tækifæri sem bjóðast. Mikilvægur liður í þessu er áætlunin um að eigi fleiri en 10% fólks á vinnumarkaði verði án viðurkenndrar starfs- eða framhaldsskólamenntunar árið 2020.



Að öðru leyti gerir ASÍ eftirfarandi athugasemdir við tillögu að byggðaaætlun:

- Heildarmyndin af aðgerðunum er ekki mjög skýr. Um er að ræða meira eða minna sjálfstæðar aðgerðir. Flokkun þeirra í átta lykilsvið virðist nokkuð handahófskennd og gerir lítið til að skýra málið. Af hverju er t.d. fiskeldi hluti af „atvinnustefnu“ en orkugeirinn undir „nýsköpun og sprotafyrirtæki“? Tengsl aðgerða við markmið áætlunarinnar liggja heldur ekki alltaf í augum uppi. Það þyrfti t.d. að útskýra betur í hverju tengsl aðgerða á sviði efnaverkfræði, líftækni, skapandi greina o.s.frv. við byggðamálin liggja. Almenn má ætla að meiri skýrleiki fengist ef árangursmat á aðgerðum tengdist með beinum hætti markmiði áætlunarinnar fremur en almennum og lítt skilgreindum þáttum eins og „árlegu mati á framþróun“ og „virkni ráðuneyta“.
- Samræming einstakra aðgerða gæti verið meiri. Þetta á m.a. við um verkefni er falla undir lykilsviðin „atvinnustefna“, og „efling stoðkerfis atvinnulífsins“. Það hlýtur t.d. að vera hagræði af því að vinna sameiginlega að verkefnum „samkeppnishæfni og klasar“, „efling landshluta- og héraðakjarna“, „skilvirkara stoðkerfi“, „þróun og styrking vaxtarsamninga“ og „efling þekkingarsetra“. Þetta á einnig við um aðgerðir sem beinast að einstökum atvinnugreinum. Af hverju er t.d. ekki unnið að öllum orkurannsóknum innan einnar samræmdrar aðgerðar eða þær tengdar við klasasamstarf sem þegar er fyrir hendi? Af hverju er ekki hlúð að klasasamstafi í ferðaþjónustunni í stað þess að dreifa kröftunum í fjöldann allan af sjálfstæðum verkefnum?
- Sumar aðgerðirnar væri e.t.v. betra að halda utan við byggðaaætlunina, eða að halda þeim aðskildum frá megináætlunum. Ástæðan liggur ekki í því að þetta séu óþörf verkefni. Þvert á móti mörg þeirra eru mjög mikilvæg. Hún liggur frekar í því að stundum virðist vera um að ræða vinnu sem líta má á sem eðlilega þjónustu starfandi stofnana. Það að telja þessar aðgerðir upp í byggðaaætlun gæti komið niður á skýrleika hennar. Þetta á t.d. við um aðgerðirnar „öflun tölfræðilegra gagna um byggðaðróun“ (verkefni Hagstofu Íslands), „Ívilnanir vegna fjárfestinga“ (verkefni iðnaðarráðuneytis), „Impra“ (hjá Nýsköpunarmiðstöð á Akureyri), „markviss kynning á tækifærum fyrir erlendar fjárfestingar“ (verkefni Íslandsstofu), „rannsóknir og þekkingaruppbygging í ferðaþjónustu“ (verkefni Ferðamálastofu) og „rannsókn á orsökum búferlaflutninga“ (verkefni Bygðastofnunar).
- Það er ástæða til að endurskoða aðgerðina „samræming opinberra áætlana“ í ljósi þess að nú í haust voru samþykkt ný lög á alþingi um skipulagsmál þar sem einmitt er tekið á samræmingu opinberra áætlana.
- Tillögu að byggðaaætlun fylgir hvorki kostnaðarmat né áætlun um fjármögnun einstakra aðgerða. Fyrir vikið verður hún ekki eins trúverðug og ella auk þess sem hætt er við að gagnrýni og aðhald með framkvæmd hennar verði fálmkennnd.

Virðingarfyllt,

Stefán Úlfarsson
Hagdeild ASÍ

ÁTAK : Áhugasamtök um tæknimiðstöð fyrir almenning og kennslu

s: 862 2345 netf: tsi@tsi.is vefur: www.tsi.is

Alþingi

Erindi nr. P 139/145

komudagur 8.11.2010

Nefndasvið Alþingis

Varðandi þingskjal 910; 521. mál

Tillaga til þingsályktunar

um stefnumótandi byggðaáætlun fyrir árin 2010-2013

Umsögn ÁTAKs – Áhugasamtaka um tæknimiðstöð

ÁTAK – Áhugasamtök um tæknimiðstöð fyrir almenning og kennslu- gera hér með athugasemdir við þingsályktunartillögu til stefnumótandi byggðaáætlun 2010-2013.

ÁTAK eru víðtæk samtök aðila úr menntakerfi, s.s. skóla og kennara af öllum skólastigum; aðila úr atvinnulífinu, s.s. landssambönd launafólks, samtaka í nýsköpun s.s. Samtök frumkvöðla og hugvitsmanna, KVENN og FÍKNF og fjölda annarra samtaka og einstaklinga sem vilja að íslensk skólabörn njóti sömu tækifæra og börn í samanburðarlöndum okkar. ÁTAK vinnur að undirbúningi þess að stofnsett verði íslensk tæknimiðstöð (e: science center) en þær eru algengar í öllum öðrum þróuðum ríkjum heims, m.a. öllum nágrannalöndum okkar, og þykja m.a. ómissandi stuðningur við eflingu raungreinamenntunar og áhugavakningu á verklegum greinum og nýsköpun. Hérlandis hefur slíka miðstöð algjörlega vantað og stjórnvöld hafa sýnt málefniinu tómlæti, þrátt fyrir fyrirliggjandi álit íslenskra og erlendra sérfræðinga í menntamálum, s.s. hina vönduðu skýrslu sem Kennaraháskóli Íslands/SRR vann fyrir ÁTAK árið 2007. ÁTAK hefur unnið mikið og vandað starf, mestallt í sjálfböðavinnu áhugafólks, og hefur gætt þess á öllum stigum að gera stjórnvöldum grein fyrir framgangi verkefnisins. Samtökin hafa notið lítilsháttar framlaga á fjárlögum í nokkur ár til að standa straum að útlögðum kostnaði, en ennþá hafa stjórnvöld hvorki tekið málefnið inn á sína stefnumótun né lagt þá fjármuni í undirbúning sem þarf til áætlanagerðar. Skref í þá átt var þó stigið með því að í niðurstöðum hins víðtæka menntahóps til undirbúnings Sóknaráætlun 20/20 er eindregið lagt til að sett verði á fót íslensk tæknimiðstöð. Þar sem hér um ræddri byggðaáætlun er ætlað að verða hluti af þessari sömu Sóknaráætlun er nauðsynlegt að samræmi ríki um þessi mál. Því gerir ÁTAK eftirfarandi athugasemdir, sem lúta að mestu að þessu málefni, en einnig öðru sem betur mætti fara í tillögunum:

1. Varðandi lykilsvið 1; “atvinnustefna. Hér vantar að geta undirstöðuatriðis góðrar atvinnustefnu, sem er almenn atvinnuþátttaka. Einnig er mikilvægt að nefna hugvit sem einn af undirstöðuþáttum atvinnusköpunar.
2. Varðandi lykilsvið 4; “nýsköpun og sprotafyrirtæki”. Hér vantar að gæta mikilvægis almennra og opinna samtaka í nýsköpun, s.s. Samtaka frumkvöðla og hugvitsmanna og KVENN, en þau starfa á landsvísu og eru mikilvægur liður í eflingu frumkvöðlastarfs.
3. Varðandi kafla I – 2.tl; “heildstæð orkunýtingarstefna. Undarlegt er að hvergi er hér minnst á þörf þess að kanna nýjar orkulindir, s.s. vind- og sjávarorku, en sjávarorka er að öllum líkindum stærsta orkuauðlind landsins. Ísland er nú

þegar að baki öðrum þjóðum í rannsóknum á þessu sviði. Íslensk tækniþróun í þessum efnum gæti komið þjóðinni í fremstu röð, en það myndi skapað okkur verðmæt framleiðslu- og atvinnutækifæri. Því er lagt til að þessi tölulíður taki mið af því að hér þarf bæði að rannsaka óhefðbundnar orkulindir og einnig að styðja við og örva þróun sjávarorkutækni.

4. Varðandi kafla I – 4. tl; iðn- og orkugarðar”. Lagt er til að þessi stofnun verði alhliða þróunarmiðstöð orkutækni á Íslandi, en ekki sú sérhæfða stofnun sem skilja má af meginhugmyndinni. Vísað er til röksemda í síðasta tölulíð.
5. Varðandi kafla III. – 11. tölulíð. “skilvirkara stoðkerfi”. Hér hefur láðst að geta um eina helstu stoð atvinnuuppbyggingar, en það er framtak frumkvöðla og hugvitsmanna. Rétt væri að bæta inn í þennan kafla sérstökum tölulíð um rannsóknir á sjávarorku, og vísast um það til rökstuðnings hér að framan.
6. Varðandi Kafla VI; “efling ferðapjónustu”. Hér er þörf að geta um íslenska tæknimiðstöð sem verulegt aðdráttarafli í ferðapjónustu. Rétt væri að bæta inn sérstökum lið í því efni, og mætti þá horfa til textans í næsta lið hér á eftir. Sé tekið mið af reynslu tæknimiðstöðva í grannlöndum okkar má ætla að árlegur gestafjöldi íslenskrar tæknimiðstöðvar verði allt að helmingur íbúafjölda Íslands. Er þá gert ráð fyrir að þar yrði sérstök kynning á íslenskri tækniþróun, líkt og víða tíðkast í tæknimiðstöðvum. Nánar má sjá um þetta efni á heimasíðu ÁTAKs; www.tsi.is.
7. Varðandi kafla VII; “félagsauður”. Hér þarf að bæta inn sérstökum tölulíð um tæknimiðstöð (e: science center), sem um var rætt hér í upphafi. Tæknimiðstöðvar eru starfandi á öllum Norðurlöndunum, og hefur m.a. verið mótuð sérstök opinber stefna í Noregi um stofnsetningu þeirra í hverju fylki, enda er gagnsemi þessara stofnana óumdeild og vel þekkt erlendis. Hér hefur þessu lítil gaumur verið gefinn, en þetta atriði gæti t.d. skýrt að hluta hina slæmu útkomu íslenskra skólabarna í pisa könnunum. Tæknimiðstöðvar eru all sérstæðar stofnanir, þar sem gesturinn (nemandinn) lærir gegnum upplifun (hands-on); með því að leika sér í til þess ætluðum leiktækjum; framkvæma þrautir; upplifa; keppa og prófa. Þannig nám er sérstaklega gagnlegt fyrir þá sem eiga erfitt með bóknám. Tæknimiðstöðvar eru þó meira en þetta. Þær eru áhugavaki fyrir nýsköpun og verknám; virkja frumkvöðlahugsun og hvetja til athafna. Sumar búa yfir söfnum sem sýna tækniþróun og nýjungar á því sviði; verk hugvitsmanna og frumkvöðla, en slíka kynningu vantar alveg hérlendis. Um sjö ára skeið hefur starfað víðtækt áhugamannafélag til undirbúnings íslenskri tæknimiðstöð, sem nefnist ÁTAK (Áhugasamtök um tæknimiðstöð fyrir almenning og kennslu), og nánar er lýst hér í upphafi. Ítarlega er fjallað um eðli tæknimiðstöðva og vinnu ÁTAKs á heimasíðu verkefnisins; www.tsi.is. Tæknimiðstöð Íslands yrði eflaust ein og miðlæg í byrjun; staðsett nærri þungamiðju fjöldans; höfuðborgarsvæðinu. Hún myndi þó, eins og aðrar slíkar erlendis, þjóna skólum í hinum dreifðari byggðum með ýmsum hætti. Fyrir utan fjarkennslu og net yrði farið í reglulegar heimsóknir; skipulagðar yrðu nemendaheimsóknir o.fl. Tæknimiðstöð þjónar því landinu öllu og á tvímælalaust heima í byggðaáætluninni. Hinn víðtæki menntahópur sem nú hefur skilað niðurstöðu til undirbúnings “Sóknaráætlun 20/20” fjallaði ítarlega

um þörf á tæknimiðstöð. Í niðurstöðum hópsins segir m.a. “Koma þarf á fót tæknimiðstöð (e. science center) sem vekja myndi athygli og áhuga barna og unglunga á raungreinum og örva nýsköpun”. Nauðsynlegt er að tillaga þessi að nýrri byggðaaáætlun sé í samræmi við þessar niðurstöður starfshópsins. Því er hér með lagt til að nýr tölulíður bættist við þingsályktunartillöguna sem orðist þannig:

30. Stofnun íslenskrar tæknimiðstöðvar.

Markmið: Stofnun íslenskrar tæknimiðstöðvar.

Meginhugmynd: Koma á fót tæknimiðstöð (e. science center) sem vekja myndi athygli og áhuga barna og unglunga á raungreinum og örva nýsköpun. Slíkar miðstöðvar eru starfræktar í nágrannalöndum okkar og sérfræðingar hafa staðfest gagnsemi og þörf hennar hér, ekki síst í þágu raungreinamenntunar en einnig sem áhugavaka í nýsköpun og kynningu á íslenskri tækniþróun. Unnið hefur veið að undirbúningi slíkrar stofnunar um nokkurt skeið á vegum áhugasamtakanna ÁTAKs, með aðkomu margra aðila úr mennta- og atvinnulífi. Kanna þarf hagkvæmni þess að tengja slíka stofnun fyrirhuguðu Náttúruminjasafni og e.t.v. öðrum stofnunum.

Árangursmat: Áfangaskýrslur undirbúnings; stofnfrákvæmda og rekstrar

Ábyrgð á framkvæmd: Mennta- og menningarráðuneyti.

Aðrir þátttakendur: ÁTAK (Áhugasamtök um tæknimiðstöð fyrir almenning og kennslu); Náttúruminjasafn.

Tímaáætlun: 2010–2013.

Stjórn ÁTAKs væntir þess að framangreindar tillögur verði skoðaðar vandlega af þeim sem um þessa tillögu fjalla, og að þeirra megi sjá stað í þingsályktunartillögunni þegar hún kemur til afgreiðslu á Alþingi. Stjórn ÁTAKs er reiðubúin að gera nánari grein fyrir sínum athugasemdum og mæta á þá fundi sem þurfa þykir til að vinna málefniinu framgang.

Viðaingarfyllst

14. maí 2010

f.h. stjórnar ÁTAKs

Valdimar Össurarson, stj. formaður

Alþingi
Erindi nr. P 139/113
komudagur 5.11.2010



Nefndasvið Alþingis
Iðnaðarnefnd
Austurstræti 8-10
150 Reykjavík

Reykjavík, 3. nóvember 2010

Umsögn BSRB um tillögu til þingsályktunar um stefnumótandi byggðaáætlun fyrir árin 2010 – 2013, þskj. 43 – 42. mál

BSRB vísar til fyrri umsagnar um tillögu til þingsáætlunar um stefnumótandi byggðaáætlun fyrir árin 2010- 2013, dags. 24. maí 2010.

Fyrir hönd BSRB

A handwritten signature in black ink that reads "Helga Jónsdóttir". The signature is written in a cursive, flowing style.

Helga Jónsdóttir
framkvæmdastjóri

BÆNDASAMTÖK ÍSLANDS

Nefndarsvið Alþingis
Iðnaðarnefnd
Austurstræti 8-10
150 REYKJAVÍK

Alþingi
Erindi nr. P 139/221
komudagur 10.11.2010



Reykjavík, 9. nóvember 2010
EBG/hó

Efni. Endurflutt mál 42. Umsögn um stefnumótandi byggðaáætlun fyrir árin 2010-2013, á 139. löggjafarþingi, þskj. 43
Tilv. 2010050022

Þingsályktunartillagan barst Bændasamtökum Íslands til umsagnar með bréfi frá nefndarsviði Alþingis, dags. 27. október 2010. Bændasamtökin gera svofelldar athugasemdir við þingsályktunartillöguna.

Lítið er minnst á landbúnað í byggðaáætluninni. Bændasamtökin benda á að skógrækt og landshlutabundin skógræktarverkefni bænda eru vaxandi atvinnugrein og því er lögð áhersla á að vægi landbúnaðar verði aukið frá því sem er. Eðli máls samkvæmt hlýtur að þurfa að fjalla um landbúnað í stefnumótandi byggðaáætlun þar sem markmiðið er að bæta skilyrði til búsetu nýsköpunar og sjálfbærrar þróunar í öllum landshlutum. Þetta verður ekki gert nema með aðkomu landbúnaðar sem atvinnugreinar.

Þá er ekki fjallað um opinbera þjónustu á landsbyggðinni en fyrirhugaður niðurskurður hins opinbera á landsbyggðinni samkvæmt fjárlögum næsta árs gefur ærið tilefni til þess að mynda heildstæða stefnu um grunnþjónustu á landsbyggðinni. Nú orðið virðist rík tilhneiging vera til þess að færa þjónustu frá landsbyggðinni til höfuðborgarsvæðisins en það hlýtur að stefna búsetuskilyrðum í dreifbýli í hættu. Bændasamtökin leggja því áherslu á að fjallað verði um þennan mikilvæga málaflokk í þessari stefnumótandi byggðaáætlun. Til stofnana ríkisins, hvort sem þær eru reknar í félagiformi eða ekki, verður að gera skýrar lágmarkskröfur um þjónustu við íbúa á landsbyggðinni. Í dæmaskyni má nefna að gróf mismunun eins og fram hefur komið í pósthjónustu á landsbyggðinni er óviðunandi. Skilyrði til búsetu á landsbyggðinni verða ekki bætt nema þar sé viðunandi grunnþjónusta fyrir íbúa þar og framtíðaráætlun um hana liggi fyrir.

Virðingarfyllt
f.h. Bændasamtaka Íslands

Elías Bl. Guðjónsson, lögfr.



Alþingi – allsherjarnefnd
Austurvelli
150 Reykjavík

Reykjavík, 9. nóvember 2010

Efni: Umsögn Hagstofu Íslands um tillögu til þingsályktunar um stefnumótandi byggðaaætlun fyrir árin 2010–2013 (42. mál, fyrir Alþingi á 139. löggjafarþingi 2010–2011)

Alþingi hefur óskað eftir umsögn Hagstofu Íslands um ofangreinda tillögu til þingsályktunar.

Hagstofan telur málefnið áhugavert frá sjónarmiði upplýsingaöflunar til að styðja við stefnumótun um byggðaaætlun 2010–2013 og við mat á árangri af henni. Í þeim aðgerðum sem fyrirhugaðar eru til „hrinda markmiðunum í framkvæmd“ kemur Hagstofa Íslands við sögu í fjórum þeirra. Að auki er í fylgiskjali með tillögunni til þingsályktunar gerð grein fyrir Evrópsku hagskýrslusvæðaskippingunni, NUTS, en málefni þetta tengist Hagstofu Íslands.

Hagstofan er nefnd sem samstarfsaðili í fjórum verkefnum auk þess að sérstakur kafli er um skiptingu landsins samkvæmt NUTS og vísað í Hagstofu.

- 10. kafli tölfræðileg gögn um byggðapróun
 - 23. kafli rannsóknir á ferðaþjónustu
 - 28. kafli rannsóknir á búferlaflutningum
 - 30. kafli áætlun um útrýmingu á kynjabundnum launamun
- Kafli 3.3.2 NUTS flokkunarkerfið um landsvæði.


Almennt séð hefur Hagstofan takmarkað bolmagn til þess að veita ítarlegar tölulegar upplýsingar eftir landsvæðum, en gerir það samt eftir því sem við verður komið í töflum á vefsíðum stofnunarinnar. Hið sama má segja um tölulegar upplýsingar sem sýna sundurliðun á konum og körlum en jafnan er leitast við að birta slíkar sundurliðanir þar sem því verður við komið. Er það í samræmi við stefnu Hagstofunnar að veita eins sundurliðaðar tölulegar upplýsingar og gagnatrúnaður og kostnaðarsjónarmið leyfa.

Í tillögu til þingsályktunar um stefnumótandi byggðaaætlun er að finna verkefni sem tengjast Hagstofunni og krefjast að hennar mati umtalsverðra rannsókna og fjármuna ef þeim verður hrint í framkvæmd. Má þar nefna verkefni tengd kafla 23 um ferðaþjónustu, kafla 28 um rannsókn á búferlaflutningum og kafla 30 um kynjabundinn launamun.

Þá er í tillögu nr. 42 til þingsályktunar fjallað um nauðsyn þess að tölfræðilegum gögnum um byggðapróun sé skipulega safnað saman. Sjálfsagt er að styðja slíkt markmið og vill Hagstofan leggja því lið ef nauðsynlegur stuðningur fæst. Hagstofan vill þó koma á framfæri einni mikilvægri hlið þessara mála sem gjarnan vill gleymast varðandi

upplýsingar byggðar á svæðaskiptingu landsins. Forsenda þess að fjármunir nýtist í uppbyggingu gagnagrunna um landsvæði er að hér á landi skapist trúverðug festa um afmörkun landsvæða. Hagstofa gerði grein fyrir sjónarmiðum sínum í þessum efnunum 18. mars 2010 þegar Alþingi óskaði eftir athugasemdum við þingsályktun um „sóknaráætlun til eflingar atvinnulífi og samfélagi um land allt“ (Sóknaráætlun 2020). Í stuttu máli er Hagstofan reiðubúin að efla tölfræðilega upplýsingagjöf stofnunarinnar eftir landsvæðum að því gefnu að ákvarðanir stjórnvalda liggja fyrir í nánustu framtíð um hvernig svæðaskiptingu landsins skuli háttáð. Þetta er ekki einfalt verkefni en er að mati Hagstofunnar brýnt mál og er stofnunin reiðubúin að koma að þeirri vinnu ef eftir því verður óskað.

Virðingarfyllst,

A handwritten signature in black ink that reads "Magnús S. Magnússon". The signature is written in a cursive, slightly slanted style.

Magnús S. Magnússon,
skrifstofustjóri og staðgengill hagstofustjóra



Alþingi
Erindi nr. P 139/675
komudagur 3. 12. 2010

Nefndasvið Alþingis
Austurstræti 8-10

Reykjavík, 03.12.2010

Tilvísun vor: 98.11

150 REYKJAVÍK

Efni: Umsögn Landsvirkjunar um tillögu til þingsályktunar um stefnumótandi byggðaaáætlun 2010 - 2013, þskj. 43 - 42. mál

Að beiðni iðnaðarnefndar Alþingis er hér með látin í té neðangreind umsögn Landsvirkjunar um tillögu til þingsályktunar um stefnumótandi byggðaaáætlun 2010 - 2013, þskj. 43 - 42. mál, sem lögð hefur verið fyrir Alþingi á 139. löggjafarþingi 2010–2011.

Landsvirkjun hefur farið yfir þingsályktunartillöguna og gerir ekki efnislegar athugasemdir við hana.

Virðingarfyllst

Hörður Arnarson
forstjóri

Alþingi
Erindi nr. Þ 139/182
komudagur 9.11.2010

Iðnaðarnefnd
 Nefndasvið Alþingis
 Alþingi v/Austurvöll
 150 REYKJAVÍK

Garðabær, 08. nóvember 2010
 2010050005/42-1-1
 TB
 jgo/tb

Tillaga til þingsályktunar um stefnumótandi byggðaáætlun 2010 – 2013, 42. mál.

Vísað er til bréfs/tölvupósts frá Iðnaðarnefnd Alþingis, dags. . maí sl., þar sem óskað er eftir umsögn Náttúrufræðistofnunar Íslands um tillögu til þingsályktunar um stefnumótandi byggðaáætlun, 2010-2013, 42. mál. Tillagan er endurflutt óbreytt frá fyrra þingi.

Náttúrufræðistofnun Íslands sendir hér fyrri umsögn sína með smá breytingu.

Í tillögu til þingsályktunar um stefnumótandi byggðaáætlun er vísað til þess að hún verði hluti af heildstæðri sóknaráætlun fyrir alla landshluta (tillaga til þingsályktunar um sóknaráætlun til eflingar atvinnulífi og samfélagi um land allt, 332. mál.) sem er í vinnslu í víðtæku samráði hagsmunaaðila og byggist m.a. á samþættingu ýmissa opinberra áætlana. Náttúrufræðistofnun Íslands gaf umsögn um sóknaráætlunina og var þar bent á nokkur verkefni, sjá hér fyrir neðan, sem falla vel að nýsköpun og atvinnuþróun og eru til þess fallin að auka menntun og styðja við umhverfismál. Verkefnin eru einnig þess eðlis að þau þarf að vinna út um allt land en góð samræming vinnu við þau er nauðsynleg.

- Fjármagni verði veitt til að ljúka gerð gróður- og vistgerðakorta af Íslandi, af þurrlendi, ferskvatni og grunnsævi umhverfis landið, sbr. samþykkt ríkisstjórnarinnar: *Stefnumörkun Íslands um framkvæmd samningsins um líffræðilega fjölbreytni*. Vistgerðir eru undirstöðueining í evrópskri samvinnu um skráningu og vernd náttúrunnar. Markmiðið með vistgerðaflokkun lands er að skapa grunn fyrir vöktun náttúru, skynsamlega landnotkun, sjálfbæra nýtingu auðlinda og verndun lífríkis og jarðminja, svo og að draga úr kostnaði þjóðfélagsins af framkvæmd laga um umhverfismál. Gerð gróður- og vistgerðakorta af landinu hefði verulegan fjárhagslegan ávinning í för með sér fyrir ríki og sveitarfélög og framkvæmdaaðila yfirleitt. Kortin myndu flýta og bæta gerð skipulagsáætlana, umhverfismats áætlana og mats á umhverfisáhrifum framkvæmda og auðvelda alla ákvarðanatöku um landnotkun. Kortin myndu nýtast við innleiðingu Evróputilskipana s.s. vatnatilskipunar, tilskipunar um umhverfisábyrgð og tilskipana á sviði náttúruverndar þ.e. vistgerðartilskipunar og fuglatilskipunar.
- Tryggja þarf fjármagn til að gera heildstæða vöktunaráætlun yfir lykिल्þætti líffræðilegrar fjölbreytni á þurrlendi, í ferskvatni og hafinu umhverfis landið og hrinda henni í framkvæmd, sbr. samþykkt ríkisstjórnarinnar: *Stefnumörkun Íslands um framkvæmd*




framkvæmd, sbr. samþykkt ríkisstjórnarinnar: *Stefnumörkun Íslands um framkvæmd samningsins um líffræðilega fjölbreytni*. Þörf er fyrir slíka áætlun svo unnt sé að fylgjast með þróun helstu þátta í lífríki landsins og grípa til verndaraðgerða ef þörf reynist. Vöktun á lífríki Íslands í dag svarar ekki þessum spurningum nema að takmörkuðu leiti.

- Styrkja þarf allan upplýsingagrunn um jarðfræði, lífríki og landslag og bæta verulega aðgengi almennings og fyrirtækja að upplýsingum. Þetta er sjálfsagður þáttur í því að birta það sem fjallað er um hér að framan en oft gleymist að þetta krefst sérhæfðrar tæknilegrar vinnu og nýsköpunar á sviði framsetningu gagna og fræðslu. Verið er að huga að því að innleiða „INSPIRE“ tilskipun á Íslandi sem m.a. gerir það að verkum, ef rétt er á haldið, að umhverfisskýrslur og öflun gagna verður aðgengilegri og notkun ódýrari.

Virðingarfyllst



Jón Gunnar Ottósson
forstjóri



Trausti Baldursson



Alþingi
Erindi nr. D 139/34
komudagur 29. 10. 2010



Orkuagarður • Grensásvegur 9 • 108 Reykjavík
Sími: 569 6000 • os@os.is • www.os.is

Alþingi - Nefndasvið
Austurstræti 8-10
150 REYKJAVÍK

Reykjavík, 29. október 2010
Tilvísun: 2010100017/50.11
Verknúmer: 1227000

Efni: Umsögn Orkustofnunar um tillögu til þingsályktunar um stefnumótandi byggðaaætlun fyrir árin 2010-2013, 42. mál

Orkustofnun hefur borist erindi iðnaðarnefndar Alþingis, dags. 27. október 2010, þar sem óskað er umsagnar stofnunarinnar um tillögu til þingsályktunar um stefnumótandi byggðaaætlun fyrir árin 2010-2013, 42. mál.

Í framangreindu erindi kemur að umrædd tillaga til þingsályktunar var ekki afgreitt á liðnu þingi og því er hún nú endurflutt óbreytt.

Í ljósi þessa vísar Orkustofnun til fyrirliggjandi umsagnar stofnunarinnar varðandi umrædda tillögu til þingsályktunar, dags. 21. maí 2010, og gerir ekki frekari athugasemdir við tillöguna að svo stöddu.

Virðingarfyllst
f. h. orkumálastjóra

Lárus Ólafsson
yfirlögfræðingur



RÍKISENDURSKOÐUN

Skúlagötu 57, 105 Reykjavík IS-Iceland.

Alþingi
Erindi nr. Þ 139/172
komudagur 8.11.2010

	Dagsetning	Tilvísun
Nefndasvið Alþingis, Austurstræti 8 – 10,	5. nóvember 2010	A-8 LÖ/bb
150 REYKJAVÍK		

Vísað er til erindis iðnaðarnefndar Alþingis, dags. 27. okt. sl. þar sem óskað er umsagnar um endurflutta tillögu til þingsályktunar um stefnumótandi byggða-áætlun., 2010 – 2013, 42. mál .

Til svars erindinu tekur Ríkisendurskoðun fram að hún hefur nú sem áður, sbr. bréf stofnunarinnar til nefndarinnar frá 17. maí sl., engar athugasemdir fram að færa við tillöguna.

Emundur Þorsteinsson

Ólafur Þorvaldursson



RÍKISSKATTSTJÓRI

Alþingi
Erindi nr. P 139/83
komudagur 1.11.2010

Laugavegi 166 - 150 Reykjavík - Sími 563 1100
Fax 562 4440 - www.rsk.is - rsk@rsk.is

Alþingi, iðnaðarnefnd
Kristín Einarsdóttir
Austurstræti 8
150 REYKJAVÍK

Reykjavík, 29. október 2010 02-2010100795
T-ums 63/10

Umsögn ríkisskattstjóra um tillögu til þingsályktunar um stefnumótandi byggðaaætlun fyrir árin 2010-2013 - mál 42.

Ríkisskattstjóri hefur þann 27. október 2010 mótttekið tölvupóst þar sem embættinu er gefinn kostur á að veita umsögn um ofangreinda tillögu til þingsályktunar - mál 42.

Þessi tillaga til þingsályktunar var einnig lögð fram á 138. löggjafarþingi en hlaut ekki afgreiðslu þann 12. maí 2010 sendi ríkisskattstjóri iðnaðarnefnd svohljóðandi umsögn:

„Í tillögunni kemur fram að eitt af lykilsviðunum til að ná því markmiði að bæta skilyrði til búsetu, nýsköpunar og sjálfbærrar þróunar í öllum landshlutum sé stuðningur við nýsköpun. Fram kemur að hani eigi að vera þrenns konar; í gegnum menntakerfið og stóðkerfi atvinnulífsins, í gegnum skattalegar ívilnanir vegna fjárfestingar í nýsköpunarfyrirtækjum og endurgreiðslu kostnaðar vegna rannsókna og þróunar og í gegnum skilgreind verkefni klasa eða áherslur opinberra aðila. Í athugasemdum með tillögunni kemur svo fram að ívilnanir vegna fjárfestinga í nýsköpunarfyrirtækjum og vegna rannsókna og þróunar hafi það markmið að auðvelda nýsköpunar- og sprotafyrirtækjum að fjármagna sig sjálf og stunda rannsóknir og þróun. Ábyrgð á framkvæmdinni er hjá fjármálaráðuneytinu og Rannís og aðrir þátttakendur verði iðnaðarráðuneyti, ríkisskattstjóri og atvinnuþróunarfélög.

Af þessu tilefni bendir ríkisskattstjóri á að með lögum nr. 152/2009, um stuðning við nýsköpunarfyrirtæki, og lögum nr. 137/2009, um breyting á lögum nr. 90/2003, um tekjuskatt, var kveðið á um ívilnanir handa nýsköpunarfyrirtækjum og þeim sem kjósa að fjárfesta í þeim. Lögin tóku gildi 1. janúar 2010 og koma til framkvæmda við álagningu opinberra gjalda 2011 vegna tekjuársins 2010. Samkvæmt 17. gr. laga nr. 152/2009 skulu þau koma til endurskoðunar innan tveggja ára frá gildistöku þeirra.

Ríkisskattstjóri lýsir sig reiðubúinn til að taka þátt í samstarfi við endurskoðun laganna eftir því sem þörf er á. Jafnframt er rétt að benda á að samstarf milli embættisins og Rannís er fyrirhugað svo að framkvæmd laganna geti orðið með sem bestum hætti.“

Ríkisskattstjóri áréttar framangreinda umsögn sína af þessu tilefni.

Virðingarfyllt



Alþingi
Erindi nr. P 139/144
komudagur 8.11.2010

SAMBAND ÍSLENSKRA SVEITARFÉLAGA

Nefndasvið Alþingis
Austurstræti 8-10
150 Reykjavík

Reykjavík 05.11.2010

0904131SA AGB
Málalykill: 180

Efni: Endurflutt tillaga til þingsályktunar um stefnumótandi byggðaaætlun 2010-2013 (þskj. 43-42. mál).

Með tölvubréfi 27. október sl. var Sambandi íslenskra sveitarfélaga veitt tækifæri til að senda umsögn um ofangreint mál eða bæta við fyrri umsögn, sem send var í bréfi, dags. 14.05.2010.

Af því tilefni þykir sambandinu rétt að koma á framfæri helstu áherslum 1. landsþings sambandsins á nýju kjörtímabili í atvinnu- og byggðapróunarmálum. Þingið var haldið á Akureyri frá 29. september til 1. október sl. undir yfirskriftinni: „Nýtt umhverfi – ný úrlausnarefni – ný tækifæri“.

Á þinginu fóru fram umræður um helstu úrlausnarefni sveitarfélaga á nýju kjörtímabili. Einn umræðuhópurinn fjallaði um hlutverk sveitarfélaga í uppbyggingu eftir hrun og þ. á m. um þátttöku sveitarfélaga í byggðapróun og atvinnuuppbyggingu. Helstu niðurstöður hópsins voru þessar:

- Sveitarfélög þurfa að fá meiri áhrif og forræði á byggða- og atvinnumálum og byggðamál ættu að heyra undir hið nýja innanríkisráðuneyti í samræmi við samstarfsyfirlýsingu ríkisstjórnarflokkanna.
- Efla þarf landshlutasamtök sveitarfélaga og hlutverk þeirra í atvinnu- og byggðamálum.
- Einfalda þarf stuðningskerfið við atvinnulífið og sameina staðbundnar þjónustueiningar. Í því sambandi var lögð fram meðfylgjandi mynd af stuðningskerfinu.
- Byggðamál eiga að taka til alls landsins.
- Brýnt er að veita markvissari stuðning við byggða- og atvinnumál á jaðarsvæðum.
- Verkefnið um sóknaráætlun var talið mikilvægt en vinna við hana var gagnrýnd.

Eins og fram kom í fyrri umsögn sambandsins þá telur það að ýmsar góðar hugmyndir séu settar fram í þingsályktunartillögunni en hún tekur ekki á því hvernig hægt er að tryggja sveitarfélögum meiri áhrif og forræði á byggða- og atvinnumálum, né á því að byggðamál þurfi að taka til alls landsins. Mikilvægt er að setja af stað vinnu við að skoða þau mál með beinni aðkomu sveitarstjórnarstigsins.

Virðingarfyllt

SAMBAND ÍSLENSKRA SVEITARFÉLAGA


Anna G. Björnsdóttir

sviðsstjóri þróunar- og alþjóðasviðs



Fylgiskjal:

Staðbundið stoðkerfi í atvinnu- og byggðamálum



Nefndasvið Alþingis : Iðnaðarnefnd.

Stefnumótandi Byggðaáætlun 2010-2013

Undirritaðir, framkvæmdastjóri SSA og framkvæmdastjóri ÞFA, fyrir hönd Sambands sveitarfélaga á Austurlandi og Þróunarfélags Austurlands, hafa farið yfir tillögu til þingsályktunar um stefnumótandi byggðaáætlun fyrir árin 2010-2013 og senda inn umbeðna eftirfarandi umsögn.

Í apríl mánuði 2009 gerðu sömu aðilar ásamt forstöðumönnum nokkurra stoðstofnana á Austurlandi umsögn við drög að þessari sömu áætlun sem þá var send út til umsagnar. Vísast m.a. til hennar og fylgir hún hér með sem fylgigagn.

Umsögn SSA og ÞFA:

Stjórn SSA hefur 17. maí sl. samþykkt svohljóðandi um fyrirbyggjandi stefnumótandi byggðaáætlun 2010-2013: <http://www.althingi.is/altext/138/s/0910>

“Stjórn SSA telur ekki rétt að afgreiða byggðaáætlun nú þar sem fyrir liggur frá stjórnvöldum að lagðar verða fram tillögur um samþætta sóknaráætlanir fyrir hvern landshluta nú í haust, auk sameiginlegrar áætlunar fyrir allt landið.

Ekki verður því séð að tillagan hafi raunverulegt gildi og byggðaáætlun í núverandi mynd óþörf þar sem sóknaráætlun er ætlað að leysa hana af hólmi.

Stjórn SSA vekur athygli á að landshlutasamtaka sveitarfélaga er vart getið í tillögunni, en þeim er ætlað ákveðið hlutverk í gerð og framkvæmd sóknaráætlunar.

Ítrekuð er skýr afstaða stjórnar SSA um að starfsemi atvinnuþróunarfélaga og landshlutasamtaka sveitarfélaga í landshlutunum verði eflid.

Framtíðarskipulag samstarfs sveitarfélaga og stoðstofnana á Austurlandi, sem nú er unnið með í samstarfi sveitarfélaga og stoðstofnana á Austurlandi byggir á því.

Stjórn SSA vill vinsamlegast beina því til iðnaðaráðherra, sem ráðherra Byggðamála í landinu og samgöngu og sveitarstjórnaráðherra, sem yfirmanns Sveitarstjórnarmála í landinu, að ráðuneyti þeirra samræmi sínar aðgerðir í byggða og sveitarstjórnarmálum. Svo virðist sem lítið sem ekkert “samband” sé þar á milli þegar horft er til fyrirbyggjandi tillögu um stefnumótandi byggðaáætlun 2010-2013.” (tilv. lýkur)

Til áréttingar :

Forsætisráðuneytið: Nú er unnið, undir yfirstjórn forsætisráðuneytisins, að samþættri 20/20 sóknaráætlun, sem nær til alls landsins. Rík áhersla er lögð á aðkomu og þátttöku landshlutasamtaka sveitarfélaga og atvinnuþróunarfélaga úti í landshlutunum í þeirri vinnu. Ef sóknaráætlun landshlutanna, sem m.a. á að byggja á styrkleika og sérstöðu hvers landshluta fyrir sig, á að ná markmiði sínu eins og stefnt er að, er nauðsynlegt að heimamenn finni sig þar velkomna í þeirri vinnu og gerendur í ákvarðanatöku.

Iðnaðarráðuneytið: Stefnumótandi byggðaáætlun Iðnaðarráðuneytisins 2010-2013 gengur í öfuga átt og gerir ráð fyrir áframhaldandi miðstýringu ríkisvaldsins þar sem frumkvæði, ábyrgð og stjórnun úti í landshlutunum eru skorður settar. Hlutverk sveitarfélaganna og samtaka þeirra í framkvæmd áætlunarinnar er veikt og óljóst. Spörin hræða í þeim efnunum.

Sveitarstjórnarráðuneytið: Á vegum ráðuneytis Sveitarstjórnarmála er unnið með, á landsvísu, verkefnið “Nýjar áherslur í eflingu sveitarstjórnarstigsins”. Þar er m.a. unnið með að færa verkefni frá ríkisvaidinu til sveitarfélaganna og stækka sveitarfélögin. Landshlutasamtök sveitarfélaga og atvinnuþróunarfélögin í landshlutunum hafa verið kölluð þar sérstaklega til samstarfs við

ráðuneytið. Unnið er með tilraunaverkefnið "Austurland eitt sveitarfélaga" í samstarfi þessara aðila. Ábyrgð og stjórn verkefnisins er í höndum heimamanna í landshlutanum með stuðningi ríkisvaldsins.

Í stefnumótun Samgöngu og sveitarstjórnarráðuneytisins, og vinnu henni tengdri, er nú unnið sérstaklega með almenningssamgöngur. Óskað hefur verið eftir og tekið upp náið samstarf við landshlutasamtök sveitarfélaga og atvinnuþróunarfélögin í landshlutunum í þeirri vinnu og útfærslu.

Áhersla er lögð á eftirfarandi a - h:

a) Frumatvinnugreinar, eins og sjávarútvegur og landbúnaður, hafa lítið sem ekkert vægi í Byggðaáætlun 2010-2013. Einnig má benda á að skógrækt og landshlutabundin skógræktarverkefni bænda eru vaxandi atvinnugrein á landsbyggðinni og eiga þar af leiðandi að hafa meira vægi í stefnumótandi byggðaáætlun.

b) Áhersla á erlenda fjárfestingu

Mikilvægt er að slík vinna fyrir svæði sé unnin í samvinnu við sveitarfélögin og atvinnuþróunarfélögin. Einnig er mikilvægt að stefna Íslands í erlendum fjárfestingum sé skýr og gegnsæ. Nauðsynlegt er að upplýsingar um ívilnanir og skattaumhverfi sé á reiðum höndum.

c) Ábyrgð á framkvæmd og eftirfylgni - Stuðningur við svæðisbundna uppbyggingu

Í tillögunni er áberandi að ábyrgð er í flestum tilfellum úthlutað til ráðuneyta eða annarra miðlægra stofnanna. Það er mat Austfirðinga að málefnum fjórðungsins sé betur komið í höndum heimamanna þar sem því verður við komið.

d) Kostnaður tillagna

Það vekur athygli að ekki eru settar fram fjárhæðir við einstaka tillögur og er það miður.

Til að byggðaáætlun hafi það vægi sem nauðsynlegt er til að efla byggð um allt land þarf hún að vera raunveruleg framkvæmdaáætlun en ekki eingöngu það sem túlka mætti sem „viljayfirlýsingu“.

Nauðsynlegt er að hverri tillögu fylgi áætlun um kostnað og fjármögnun. Einnig þarf að tilgreina hver/hverjir ábyrgðaraðili framkvæmdar og fjármagns skuli vera.

e) Tillögur skortir um jöfnun flutningskostaðar.

Mikið hefur verið rætt og ritað um jöfnun flutningskostaðar og nauðsyn þess að koma henni á. Ekkert hefur gerst. Stefnumótandi byggðaáætlun verður að taka á því máli.

Liðir F – G - og H: Ört vaxandi atvinnugreinar í landshlutanum. Frumkvæði heimamanna og ábyrgð fylgist þar að í samstarfi sveitarfélaga, íbúa og atvinnulífs með stuðningi ríkisvaldsins þar sem það á við. Styrkja ber enn frekar þetta frumkvæði og samstarf en ekki veikja það með aukinni miðstýringu.

f) Ferðapjónusta

Vísað er til innsendra athugasemda frá apríl 2009, liðir 23-28 (sjá meðfylgjandi skjal).

g) Menntun

Vísað er til innsendra athugasemda frá apríl 2009, liðir 14, 30 (sjá meðfylgjandi skjal).

h) Menning og listir

Vísað er til innsendra athugasemda frá apríl 2009, liður 32 (sjá meðfylgjandi skjal).

Seyðisfirði 23. maí 2010

Virðingarfyllst,

F.h framangreindra;

Þorvaldur Jóhannsson, framkvæmdastjóri Sambands sveitarfélaga á Austurlandi

Hafliði H. Hafliðason, framkvæmdastjóri Þróunarfélags Austurlands



SAMTÖK SUNNLENSKRA SVEITARFÉLAGA

Alþingi
Erindi nr. P 139/287
komudagur 18.11.2010
Selfossi, 17. nóvember 2010
1010005SA PH

Nefndasvið Alþingis
Austurstraeti 8 - 10
150 Reykjavík

Efni: Umsögn SASS um tillögu til þingsályktunar um stefnumótandi byggðaaætlun fyrir árin 2010-2013 42. mál.


Á fundi stjórnar Samtaka sunnlenskra sveitarfélaga, sem haldinn var 12. nóvember sl. var tekið fyrir erindi frá iðnaðarnefnd Alþingis, dags. 27. október 2010, þar sem óskað var umsagnar um tillögu til þingsályktunar um stefnumótandi byggðaaætlun.

Stjórnin ítrekaði eftirfarandi afstöðu sína frá 25. maí sl.:

„Stjórn SASS telur ekki rétt að afgreiða byggðaaætlun nú þar sem boðað hefur verið að lagðar verði fram tillögur um samþætta sóknaráætlun fyrir hvern landshluta nú í haust auk sameiginlegrar áætlunar fyrir landið allt. Samþykkt tillögunnar nú hefur því ekkert gildi og byggðaaætlun í núverandi mynd óþörf þar sem sóknaráætlun er ætlað að leysa hana af hólmi. Stjórnin vekur athygli á því að landshlutasamtaka sveitarfélaga er varla getið í tillögunni en þeim er ætlað ákveðið hlutverk í gerð og framkvæmd sóknaráætlanna. Stjórn SASS leggur til að hlutverk Byggðastofnunar verði endurskoðað og hluti þess fjármagns sem hún hefur yfir að ráða og þess starfs sem hún hefur með höndum verði færður út í landshlutana og þar með verði starfsemi atvinnuþróunarfélaga og landshlutasamtaka sveitarfélaga efld.“

Umsögninni er hér með komið á framfæri.

Virðingarfyllst,
f.h. SASS


Þorvarður Hjaltason
framkvæmdastjóri



Alþingi
Erindi nr. P 139/114
komudagur 5.11.2010

4. nóvember 2010
SI-67673

Nefndasvið Alþingis
nefndasvid@althingi.is
Austurstræti 8-10
150 Reykjavík

Með tölvupósti dags. 27. október 2010 óskaði iðnaðarnefnd Alþingis eftir umsögn Seðlabanka Íslands um tillögu til þingsályktunar um stefnumótandi byggðaaætlun 2010 – 2013, Þskj. 43 – 42. mál. Óskað var eftir umsögn bankans fyrir 8. nóvember 2010.

Umrætt efni er ekki á sérsviði Seðlabankans. Seðlabankinn bendir þó á að ítarleg kostnaðaráætlun og mat á þjóðhagslegum ábata hlýtur að vera lykilþáttur áætlunargerðar af því tagi sem fjallað er um í þingsályktunartillögunni, einkum við þrönga stöðu ríkisfjármála um þessar mundir. Seðlabankinn gerir ekki aðrar athugasemdir við efni þingsályktunartillögunnar.

Virðingarfyllst,
SEÐLABANKI ÍSLANDS

Arnór Sighvatsson
aðstoðarseðlabankastjóri

Þórarinn G. Pétursson
aðalhogfræðingur

Iðnaðarnefnd Alþingis
c/o Kristján Möller formaður

Varðandi 42.mál:

„tillögu til þingsályktunar um stefnumótandi byggðaáætlun fyrir árin 2010-2013“

Þingsályktunartillaga um byggðaáætlun liggur nú aftur fyrir iðnaðarnefnd og tel ég nauðsynlegt að vekja athygli nefndarmanna á mikilvægu atriði sem þar mætti betur fara.

Í þingsályktun „um stefnumótandi byggðaáætlun fyrir árin 2006-2009“ var að finna þrjú meginatriði og var þetta hið fyrsta þeirra:

„Að landshlutakjarnar verði eflidir en jafnframt hugað sérstaklega að leiðum til þess að treysta búsetu í þeim byggðarlögum sem glímt hafa við viðvarandi fólksfækkun“.

Í þeirri tillögu sem nú er til meðferðar er ekki að finna neitt hliðstætt verndarákvæði varðandi veikustu byggðir landsins. Hlýtur það að teljast gölluð byggðaáætlun sem ekki er ætlað að stuðla að viðhaldi byggðar á stöðum sem glíma við tímabundna erfiðleika sökum atvinnulegra eða náttúrulegra áfalla en eru að öllu jöfnu vel til búsetu fallnir og mikilvægir í efnahagslegri og samfélagslegri velferð þjóðarinnar. Eftirfarandi tilvik sýna mikilvægi vandaðrar meginstefnu stjórnvalda í þessum efnum:

Íslandspóstur hf hefur nú tekið þá stefnu að skerða pósthjónustu við afskekktustu byggðir landsins, og þær sem höllustum fæti standa. Þar er ekki tekið neitt tillit til byggðahagsmuna eða jafnræðis heldur ræður einber arðsemiskrafa för hjá þessu einkafyrirtæki ríkisins. Vegagerðin hefur einhliða breytt flokkun vega að þeim byggðum bæjum sem fjarlægastir eru og skert verulega viðhald og þjónustu við þá. (Um þetta vitna nýleg dæmi sem varða viðkvæmar jadarbyggðir í Vesturbyggð og á Snæfellsnesi; sjá m.a. umfjöllun í Bændablaðinu 4.nóv.2010).

Ég tel nauðsynlegt að iðnaðarnefnd hugi að þessum þætti og e.t.v. kynni sér þau mál sem hér um ræðir í tengslum við umfjöllun sína um þessa þingsályktunartillögu. Byggðaáætlun hlýtur að teljast ein helsta brjóstvörn viðkvæmstu byggða landsins í því að tryggja jafnræði þegna og viðhald byggðar til framtíðar. Því er óviðunandi að markviss verndarsjónamið síðustu byggðaáætlunar í þessu efni verði skert í þeirri sem nú er til umræðu.

Ásbrú 07.11.2010

Valdimar Össurason
vegna íbúa Kollsvíkur í Vesturbyggð
s. 862 2345

Alþingi
Erindi nr. *D* 139/84
komudagur 1.11.2010



Nefndasvið Alþingis
Sigrún Helga Sigurjónsdóttir
Austurstræti 8 - 10
150 REYKJAVÍK

Reykjavík, 1. nóvember 2010
Tilvísun: 2010050015/90.12
HrH/BH
Tilv. ykkar: Tölvupóstur dags. 27.10.2010.

Efni: Frumvarp til laga um stefnumótandi byggðaáætlun 2010 - 2013.

Með tölvupósti dags. 27.10.2010 er óskað eftir umsögn Vegagerðarinnar um ofangreint frumvarp.

Vegagerðin gerir ekki athugasemdir við frumvarpið.

Virðingarfyllst,

Hreinn Haraldsson,
vegamálastjóri.

Alþingi
Erindi nr. P 139/181
komudagur 9.11.2010



Nefndasvið Alþingis
Iðnaðarnefnd
b/t Kristínar Einarsdóttur
nefndarritari
Austurstræti 8-10
150 Reykjavík

Reykjavík, 8. nóvember 2010.

Efni: Tillaga til þingsályktunar um stefnumótandi byggðaáætlun fyrir árin 2010-2013, (42. mál).
Viðskiptaráð þakkar nefndinni fyrir það tækifæri að fá að veita umsögn um ofangreinda tillögu sem felur í sér að ríkisstjórninni verði falið að vinna að framkvæmd stefnumótandi byggðaáætlunar fyrir árið 2010-2013.

Í ofangreindi tillögu er sett sem markmið að bæta skilyrði til búsetu, nýsköpunar og sjálfbærrar þróunar í öllum landshlutum og efla menntun, menningu, samfélög og samkeppnishæfni byggða og bæja landsins. Með áherslu tillögunnar er nýsköpun og atvinnuþróun, sem eru dæmi um atriði sem vert er að efla til að hraða fyrir uppbyggingu. Viðskiptaráð Íslands styður þær aðgerðir sem stuðla að frekari atvinnusköpun og auknum tækifærum og stuðningi við nýsköðun.

Viðskiptaráð leggur til að tillagan nái fram að ganga.

Virðingarfyllst,

Þórdís Bjarnadóttir
Lögfræðingur
Viðskiptaráð Íslands